

四庫全書

子部

欽定四庫全書

予部

赤水元珠卷二十一

詳校官太醫院醫士臣程泰

編修臣倉聖脈覆勘

總校官編修臣王燕緒

校對官助教臣卜惟吉

謄錄監生臣許蔭培

欽定四庫全書

赤水元珠卷二十一

明 孫一奎 撰

婦人門

小便出血

良方曰心主於血通行經絡循環臟腑得寒則凝澁得熱則妄行失其常道則溢滲於脬則小便出血也

薛氏曰前症肝經血熱者加味逍遙散怒氣血傷者同

治調送血餘灰妙若肝經風熱用前散送子芩九氣  
血俱虛者八珍散送血餘灰膏梁積熱者清胃散加  
槐花甘草風熱傷胃者四君子加防風枳壳胃虛不  
能攝血者補中益氣鬱結傷脾不能攝血者濟生歸  
脾湯

一婦小便出血服四物蒲黃之類更加發熱吐痰加芩  
蓮之類又飲食少思虛症蜂起肝脈弦而數脾脈弦  
而緩此因肝經風熱為沉陰之劑脾傷不能統血發

生諸臟而然也用補中益氣六味地黄丸而痊

蒲黃鹿茸散 治勞損尿血發熱內熱或寒熱往來口

乾作渴

蒲黃<sup>炒</sup> 鹿茸<sup>炙</sup> 當歸 生地 葵子<sup>炒</sup> 續斷<sup>酒炒各等分</sup>

為末每服二錢酒調日三服

髮灰散 起居所傷小便尿血或忍尿脬轉臍下急痛  
小便不通又治肺疽心衄內崩吐血舌上出血俱妙

本草云能療瘰癧血通關膈利水道破癥瘕瘰癧腫孤  
疝刺痛症雜瘡療脬轉通大小便止咳嗽鼻衄

右每服二錢米醋湯調下

生地黄散 血熱尿血

生地

二錢

黃芩

炒五錢

阿膠

炒

側柏葉

炒各一錢

右水煎食前服

當歸散 血分熱尿血

川歸

羚羊角屑

赤芍

各五分

刺薊葉

一錢

生地

一錢

右水煎服

又方 治血分有熱生地黄搗汁每用一小盞日三服

又方 治血分熱尿血用炒蒲黃末每以二錢溫酒下  
鹿角膠散 鹿角膠炒為末二兩作二服長流水調妙

陰腫

良方曰陰腫因胞絡素虛風邪客之乘于陰部血氣相  
搏故也

薛氏曰氣血虛弱補中益氣湯肝經濕熱龍膽瀉肝湯  
又當與陰痒陰挺陰冷相參而治

又云一婦陰中腫悶小便澀滯兩脇作腫內熱晡熱月

經不調時或寒熱此因肝經鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味道遙散清肝火生肺血除濕熱各數劑諸症悉愈又用四君芎歸丹皮調補肝脾而經水如期

菖蒲散

治月水澁滯陰戶腫痛

菖蒲

當歸

炒各一兩

秦艽

二兩

右每服五錢入葱白水煎服

白礬散

治陰腫堅痛



白礬

五錢

甘草

五分

大黃

一兩

右為末水調如棗大綿裹內陰中一日兩換以愈為度

陰痒

良方曰陰痒為三蟲在腸胃之間因臟虛而蝕輕則陰中痒甚則陰中痛也

生生子曰前症亦有虛者古人有用人參一兩煎湯服之而愈予曾治一宦婦年廿一疹出未彌月而犯房

事熱因下陷陰中痒甚每一發神魂颺然兩手抓壁口中咬物鮮血淋漓爪脫肉破而不遑顧七日肌肉如削諸洗挿方歷試無功作蟲治尤劇欲懸梁求死予為籌之乃虛熱陷入至陰當從陰引陽以黃芪六錢甘草二錢防風一錢柴胡二錢水煎食前服之其疾頓止此引金伐木之法也

薛氏曰前症屬肝經所化當用龍膽瀉肝湯逍遙散以主其內外以桃仁研膏和雄黃末或鷄肝內陰中以

制其蟲

一婦胸膈不利內熱作渴飲食不甘肢體倦怠陰中悶  
痒小便赤澁此鬱怒傷肝脾所致用歸脾湯加山梔  
而愈復因怒患處并小腹脹痛用小柴胡加芎歸山  
梔芍藥痛止用山梔入逍遙散而痊又因勞役患處  
腫脹小便仍澁用補中益氣加山梔茯苓丹皮而瘳  
一方新桃葉搗綿裹內陰中一日三易

大黃散 治陰痒

大黃

微炒

黃芩

黃芪

炙各五兩

赤芍

玄參

蛇床子

山茱萸

為末酒調服二錢

又方 杏仁燒灰乘熱綿裹納陰中日二易之

又詩曰玉戶生瘡時痛痒皆因房色損其元黃葱水洗  
二三次杏仁燒灰油調痊加麝香尤妙

又方 鯽魚膽搽之妙

陰挺下脫

良方曰婦人陰挺下脫或因絕絡傷損或因子臟虛冷或因分娩用力所致

薛氏曰前症當升補元氣為主若肝脾鬱結氣虛下陷用補中益氣湯若肝火濕熱小便瀉滯龍膽瀉肝湯一婦陰中突出如菌四圍腫痛小便頻數內熱晡熱似痒似痛小便重墜此肝脾鬱結蓋肝火濕熱而腫痛脾虛下陷而重墜也先以補中益氣加山梔茯苓車前子青皮以清脾火升肝氣更以加味歸脾湯調理

脾鬱外以生豬脂和藜蘆末塗之而收

一婦陰中挺出五寸許悶痛重墜水出淋漓小便澀滯  
夕與龍膽瀉肝湯分利濕熱朝與補中益氣湯升補  
脾氣諸症漸愈再與歸脾湯加山梔茯苓川芎黃柏  
間服調理而愈後因勞役或怒氣下部濕痒小水不  
利仍用前藥即愈

一方 治陰挺下脫

當歸 黃芩

各二兩

牡蠣

二兩半

蛻皮

一兩炙

赤芍

兩半

右為末每以二錢食前溫酒調下米飲亦可

治陰挺長出玉戶數寸者疼痛不可忍飲食不進用前方治其內仍以

大黃 山茨姑 石羔 牡蠣 乳香

為細末水調揣熟捏作條子如中指大陰乾插入玉戶其痛即止

陰瘡

薛氏曰此症乃七情鬱火傷損肝脾濕熱下流其外症

陰中突出如蛇如菌如鷄冠或生蟲濕痒或潰爛出水或腫悶墜痛其內症體倦內熱經候不調或飲食無味晡熱發熱或胸脇不利小便痞脹或赤白帶下小水淋瀝其治法腫痛者四物加柴胡丹皮山梔膽草濕痒者歸脾湯加柴胡山梔丹皮淋瀝者龍膽瀉肝湯加白朮丹皮潰腐者逍遙散山梔川芎腫悶墜痛者補中益氣湯加山梔丹皮佐以外治之法

一婦素性急陰內痛小便赤瀉怒而益甚或發熱或寒



熱此肝經濕熱所致用芎歸炒梔柴胡苓朮丹皮澤瀉炒芍車前炒連甘草數劑漸愈乃去黃連澤瀉又數劑全愈

一婦臍腹上下并玉戶遍生濕瘡狀如馬爪瘡他處並無熱痒而痛大小便瀉出黃汁食減身面微腫衆作惡瘡治反劇愈痛急令洗去乃用馬齒莧四兩青黛一兩同搗爛敷瘡上即時痒止痛定而熱亦退仍服八政散日三服分散客熱每敷藥僅得一時久藥已

乾燥再塗新濕藥又安凡如此二日僅減三之一五日減三之二自此二十日全安緣此婦嗜酒貪啗魚蟹發風之物而中下焦蓄風熱之毒氣當作腸癰內痔等疾后當禁酒及發毒之物

一方 治玉戶生瘡

杏仁

燒存性

雄黃

明礬

各五錢

麝香

一錢二分

右為末敷之

又方 飛丹研極細生桐油調搽二三日效

交接輒血出痛

薛氏曰一婦每交接便血出作痛此肝火動脾而不能攝血用補中益氣濟生歸脾二湯而愈若出血過多而見他症但用前藥調補肝脾

千金方 療交接血出

伏龍肝

桂心

等分

為末每服一錢酒調下

胎前惡阻及痰逆不食

惡阻者謂嘔吐惡心頭眩惡食擇食是也脉息和順但覺肢體沉重頭目昏眩好食醎酸甚者或作寒熱心中憤悶嘔吐痰水不能支持古謂之子病由胃氣怯弱中脘停痰之所致也

薛氏曰脾胃虛弱嘔吐不食用茯苓半夏湯蓋半夏乃健脾化痰滯之主藥也痰涎壅滯飲食少思胎氣不安為必用之藥須倍加白朮然半夏白朮陳皮砂仁善能安胎氣健脾胃也予嘗用之驗甚若兼氣惱更

加柴胡因風寒須用參蘇飲

生生子曰前症亦有因火者故丹溪用抑青丸前人亦  
有用濟生竹茹湯者予歷歷見為火症者多寒者兼  
而有之亦有愈治而愈逆者便當勿藥待之俟胃氣  
和當自瘳矣

茯苓半夏湯 妊娠脾胃虛弱飲食不化嘔吐不止

半夏

泡炒黃

陳皮

各一錢

白茯苓

二錢

砂仁

炒一錢

炙甘草

五分

薑棗烏梅水煎服二帖後用茯苓丸

茯苓丸

妊娠煩悶頭暈聞食吐逆或胸痞痞悶

赤茯苓

人參

桂心

炮薑

半夏

泡炒黃

橘紅

各一

兩

白朮

炒

葛根

甘草

炙

枳殼

麩炒各二兩

右蜜丸梧子大每服五十九米飲下日三服

白朮湯

胃虛惡阻吐水甚至十餘日粥湯不入

白朮

錢炒一

人參

分五

丁香

炙甘草

各二分

右薑水煎服

保生湯

妊娠惡阻少食嘔吐或兼吐瀉作渴

人參

錢一

炙甘草

白朮

炒

香附

烏梅

橘紅

各五分

右薑水煎服

仲景乾薑人參半夏丸

治妊娠嘔吐不止

乾薑

人參

半夏

等分

為末薑汁糊丸梧子大米飲下十日三服

歸原散

惡阻嘔吐不止頭痛全不入食諸藥無效

人參

甘草

川芎

當歸

芍藥

丁香

各五錢

茯苓

苓白朮

陳皮

各一兩半

桔梗

炒

枳殼

炒各二兩半

半夏

泡炒

黃一

兩

右每服五錢加薑六片棗一枚水煎服已上五方

治寒痰惡阻之劑也

竹茹湯 惡阻嘔吐不下食

青竹茹

橘紅

各二兩

生薑

茯苓

各四兩

半夏

五兩

右水六升煮取二升半分三服

人參橘皮湯 惡阻嘔吐痰水

人參 橘皮

白朮

麥冬

各一兩

甘草

三錢

厚朴

製



白茯苓

各五錢

右每服五錢加青竹茹一錢生薑三片水煎服

妊娠嘔吐痰水不食

生蘆根

一兩

橘紅

七錢

生薑

一兩

檳榔

三錢

右作三次水煎服

妊娠惡食心中煩憤熱悶嘔吐

竹茹

麥冬

各二兩

前胡

二兩

橘紅

一兩

蘆根

一握

水一大升煮半升作二次食前服已上四方治

熱痰惡阻之劑也

羅太無半夏茯苓湯 惡阻心中憤悶頭目眩暈四肢

怠倦百節煩痛胸膈痰逆嘔吐惡心嫌聞食氣好噉

酸醎多卧少起全不進食先服此湯次服前茯苓丸

半夏

泡炒黃一兩二錢

赤茯苓

熟地黃

各七錢半

芍藥

旋覆

花

千金方無此而  
有細辛紫蘇

橘紅

人參

各半兩

川芎

桔梗

甘草

各五錢

右每服五錢薑七片水煎空心服 若有客熱煩

渴口瘡去橘紅細辛加前胡知母七錢半若腹冷  
下利去地黃加炒桂心五錢 若胃中虛熱大便秘  
小便赤瀉加大黃七錢半去地黃加黃芩二錢  
半

胎動不安

妊娠胎動或飲食起居不節或衝任經虛或因過酒房  
室擊觸跌撲損動臟腑或脾氣虛弱誤服藥餌或感  
冒風寒當各推其因而施治之有因母病而胎動者

但治其母而胎自安有胎不堅固動及母疾但安其胎而母自愈面赤舌青其胎已死面青舌赤吐沫其母必死唇口色青兩邊沫出子母俱死也

薛氏曰前証胎氣鬱滯者紫蘇飲脾氣虛弱者六君子湯加紫蘇枳殼鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

丹溪曰產前當清熱養血因火動胎逆上喘急者以條

芩香附之類為末調下墮胎乃氣虛血虛血熱所致  
懷妊嗜物乃一臟之虛黃芩安胎妙藥乃上中二焦  
之劑能降火下行加白朮為安胎聖藥也俗不知以  
為寒而不取用殊不知產前宜清熱令血循環而不  
妄行故能養胎

又曰將臨月胎熱以三補丸加炒香附白芍鈺餅為丸  
服抑熱以三補丸以地黃膏為丸 孕至八九個月  
必用順氣須枳殼紫蘇梗

固胎方法

川芎 地黄 黃芩 各五分 歸身 人參 白芍 陳

皮 各錢 白朮 一錢半 甘草 三分 黃柏 黃連 俱少 桑寄生

錢一

右每服五六錢加糯米五十粒水煎服 血虛不

安者加阿膠腹痛者加砂仁能止痛安胎行氣故

也

一方無黃連  
名固孕丸

仲景云妊娠宜常服當歸散

當歸 黃芩 芍藥 芎藭 白朮

各一兩半

右為末酒調服方寸匕日二服常服之即易產胎無苦疾產後百病悉主之

肘後方 治胎動不安

取苧根如足大指者一尺水煎服

一方有生薑五片  
○丹溪云苧根大

能補陰血  
而行滯血

立效散 治胎動不安如重物所墜冷如冰

即佛手散也

縮砂散 治胎動不安墮在須臾痛不可忍神效

砂仁

連殼炒  
黑為末

每服二錢酒下

鈎藤湯 妊娠胎動腹痛面青冷汗氣欲絕者

鈎藤鈎

當歸

茯神

去木

人參

各一錢

苦梗

一錢半

桑寄生

生

一錢

右水煎服煩熱者加石膏

黃芪湯 氣虛胎動腹痛下水

糯米

一合

炙黃芪

川芎

各一兩



水煎分三服

順氣飲子 產前服之安胎

紫蘇葉

木香

煨

人參

草薢

茯苓

各一兩

炙甘

草

五錢

大腹子

一兩氣虛者去之

右每服三五錢加苧根三寸糯米三十粒水煎服

安胎寄生湯

妊娠下血或胎不安或腰腹痛

桑寄生 白朮

各五分

茯苓

四分

甘草

一錢

水煎服

安胎飲 體倦惡食或胎動腹痛或下血發熱腰痛

炙甘草 茯苓 川歸 熟地 川芎 白朮 黃

芪 白芍 炒 半夏 泡 阿膠 炒 地榆 各五分

加薑棗水煎服

又方 好銀煮取水入葱白作羹食之妙

生生子曰按良方云妊娠婦人倘氣血虛弱無以滋養其胎終不能成也宜下之以免其禍若胃氣壯實衝任榮和如魚之處淵得其所也宜必盡方技以補養

之庶無所悞設因病而胎不能安者不得不下之藥  
劑亦須謹慎

桂心散 妊娠因病而胎不能安者以此下之

桂心 瓜蒌 牛膝 藟麥 各五分 歸尾 一錢

右水煎服

又方 牛膝一兩酒煎食前空心服下

又方 生鷄子一枚鹽三錢攪勻服之立下

佛手散更妙 凡胎死者即下生者即安

胎漏下血

附卒然下血  
下如豈汁

良方曰妊娠經水時下由衝任氣虛不能約制蓋心小腸二經相為表裏上為乳汁下為月水故妊娠經水壅之以養胎蓄之以為乳若經水時下名曰胞漏血盡則斃矣

丹溪曰胎漏有因氣虛者有因血虛者有因血熱者不可不察也

薛氏曰前症有風熱者以防風黃芩丸若因血熱加味

逍遙散血虛二黃散血去太多八珍湯未應補中益  
氣湯若因肝火用柴胡山梔散脾虛加味歸脾湯若  
因事下血作痛八珍湯加阿膠熟艾脾胃虛者補中  
益氣湯加五味子下陷者倍升麻柴胡晡熱內熱用  
逍遙散亦有血氣盛養胎之外而有餘者不必服藥  
卒然下血良方謂冷熱不調七情失宜氣血不和所致  
若傷於胎則痛血去多則墮矣

薛氏云前症氣怒者小柴胡湯風熱用一味防風丸血

熱用一味子芩九脾氣虛六君子湯中氣下陷補中  
益氣湯

一婦妊娠六月每怒下血甚至寒熱頭痛脇脹腹痛作  
嘔少食予謂寒熱頭痛乃肝火上沖脇脹腹痛乃肝  
氣不行作嘔食少乃肝侮脾胃下血乃肝火血熱用  
小柴胡加芍藥炒黑山梔茯苓白朮而愈 訶子能  
止胎漏及胎動欲生脹悶氣喘

安胎散 治卒然腰痛下血

熟地 艾葉 白芍炒 川芎 黃芪炒 川歸 阿膠

炒 甘草炙 地榆各五分

加薑棗水煎服

子芩丸 治肝經有熱妄行用細條芩沉實者炒為末  
每服一錢以鐵秤鎚燒赤淬酒熱調服若脾胃虛者  
不宜用

防風丸 治肝經有風血因妄動而不歸經

防風為末每服一錢白湯調下

防風黃芩丸

治肝經有風熱致血崩便血尿血用條

芩炒焦防風等分為末酒糊丸梧子大每服三五十

丸食前米飲或酒下

二黃散

治胎漏下血或內熱晡熱或頭痛頭暈煩躁

作渴或脇肋脹痛等症

生地 熟地

為末每用三錢煎白朮枳殼湯調服

二黃拌膏為丸尤妙庶不

枯槁而有力也



芎歸膠艾湯

妊娠下血腹中痛為胞阻以此安之

艾葉

阿膠

炒

川芎

當歸

各三兩

甘草

一兩

右細切以水八升煎取三升內膠溶盡分三服

立聖散

治妊娠下血不止

鷄肝三枚用酒一升煮熟頓食之大效

阿膠散

妊娠無故下血不止

阿膠三兩炒為末酒一升半煎令溶一服愈

又方 治血熱下血及胎漏下血不止

阿膠二兩為末生地黄半斤搗取汁以清酒三升絞汁分三服

又方 治胎漏下血不止胞乾即死宜急治之

生地黄汁

一升陳酒五合

全煎三五沸溫三服以止為度

枳殼湯 治虛熱胎漏下血或因事下血

枳殼

黃芩

各半兩

白朮

一兩

水煎食前分三服

本事方 治胎下血不止

桃奴

桃樹上乾不落挑子是也

燒存性為末水調服妙

妊娠胎漏下黃汁或如荳汁白漿或如赤荳汁子歷見此症不早治其胎必墮

大全方 治妊娠忽然下黃汁如膠或如荳汁胎動腹痛乃氣虛也

糯米

五升 黃芪

六兩

水七升煎取二升分四服

薛氏云若肝脾濕熱用升陽除濕湯肝脾風熱加味逍  
遙散肝脾鬱怒加味歸脾湯脾胃氣虛用錢氏白朮  
散若脾氣下陷補中益氣湯風入腸胃用胃風湯  
東垣升陽除濕湯 治婦人女子漏下惡血月事不調  
或暴崩不止多下水漿之物皆由飲食失節或勞傷  
形體或素患心氣不足因飲食勞倦致令心火乘脾  
其脈緩而弦急按之洪大皆脾土受邪也

柴胡 羌活 蒼朮 黃芪炒各錢半 防風 升麻 甘

草炙 藁本各一錢 蔓荊子七分 獨活 當歸各五分

右水煎食前服

胃風湯 治風邪乘虛客於腸胃水穀不化泄瀉下注  
腹脹虛滿腸鳴作痛及腸胃虛熱下如荳汁或瘀血  
日夜無度

人參 白朮 茯苓 川芎 川歸 白芍 桂皮  
粟米

右水煎食遠服

銀苧酒 治妊娠下黃汁或如赤苳汁

苧根

去黑皮

好銀

各一斤

水九升煮取四升每服入酒半升煎分二服

脈經曰婦人懷軀六月七月暴下斗餘水其胎必倚而墮此非時孤漿預下也

胎漏下水乃徐徐而下今暴下而多故知胎墮

胎上逼

子懸也

妊娠將養如法則血氣調和胎得其所而產亦易否則

胎動氣逆上逼臨產亦難甚至危矣

陳良甫云治一婦人有孕七個月遠歸忽然胎上沖心而痛坐卧不安兩醫治之無效遂說胎已死矣用草麻子研爛加麝香貼臍中以下之命在垂亡召陳診視兩尺脈絕他脈平和陳問二醫作何症治答曰死胎也陳曰何以知之曰兩尺脈絕是以知之陳曰否此子懸也若是胎死却有辯處面赤舌青子死母活面青舌赤吐沫母死子活唇口俱青母子俱死今面

不赤舌不青其子未死是胎上逼心宜以紫蘇飲治之至十服其胎遂不逼而下安矣

紫蘇飲 治妊娠胎氣不和逼上脹滿疼痛謂之子懸兼治臨產驚恐氣結連日不下

紫蘇葉

一兩

大腹皮

人參

川芎

陳皮

白芍

各五

錢

當歸

三錢

甘草

一錢

右剉分三服每服加薑四片葱白七寸水煎至七分空心服 曾有累日產不下遍服催生藥不效



此必坐草少早心存一點畏懼氣結而不行非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行得此藥一服便產及治妊娠六七月子懸每用此數數有驗不十服胎便近下而安

大千方

治胎上逼煩悶併治胎動困篤

葱白二七莖濃煮汁飲之若胎未死則安已死即下如未效再服若唇口青黑手足厥冷須佐以當歸

湯

本草云葱白通陽氣安胎此方神妙脈浮滑者宜之

當歸湯 治胎動煩躁或生理不順唇口青黑手足厥

冷

人參

當歸

阿膠

炒

炙甘草

各一錢

葱根

連白一握

右水四碗煎四味減半去渣入葱再煎至一碗分

二服

薛氏云一妊婦每因恚怒其胎上逼左關脈弦洪乃肝火內動用小柴胡加茯苓枳殼山梔而愈但體倦不

食用六君子調養脾土加柴胡枳殼調和肝氣乃瘥  
又一妊婦胎上逼胸滿噯氣飲食少思此脾氣鬱滯用  
紫蘇飲頓安又用四君子加枳殼柴胡山梔而瘥

大聖散 治妊娘怯悸夢驚心腹脹滿連臍急痛

白茯苓 川芎 麥冬 黃芪炒 川歸各一分 人參

炙甘草 木香各五分

加生薑水煎服

白朮湯 妊娘遍身痛或沖心欲死不能飲食

白朮

五兩

黃芩

二兩

芍藥

四兩

右水六升煮取二升半分三服

緣胎有水致痛

兼易產

妊娠心痛腹痛

妊娠心腹痛或宿有冷疾或新觸風寒或痰飲相搏若痛傷胞絡必至動胎甚則傷墮

妊娠卒心痛氣欲絕

川芎

當歸

茯苓

厚朴

制各一錢

水煎服

當歸芍藥湯

妊娠心腹急痛或去血過多而眩暈

白芍

炒

當歸

茯苓

白朮

炒

澤瀉

各一錢

川芎

二錢

右水煎服

阿膠散

治胎動腹痛

白茯苓

白朮

炒

川芎

阿膠

炒

各一錢

當歸

陳皮

各二錢

錢

甘草

分炒三

右薑棗水煎服

熟艾湯 治妊娠心腹痛或吐血衄血

熟艾如拳大水煮服之效 中惡亦妙

有癥者宜去癥

凡胎動多在當臍今動在臍上故知是癥也

此症宜以仲景

桂枝茯苓丸主之

桂枝茯苓丸

妊娠腹痛不能忍或偶有所傷胎動不

安命將絕者砂仁不拘多少連皮炒黑色或單用仁

炒為末熟酒調下二錢不飲酒者米飲下但覺腹中

熱胎已安矣懸命須臾者以砂仁湯吞桂枝茯苓丸

又名奪命丸專治婦人小產下血子死腹中其婦增  
寒手指唇口爪甲青白面色黃黑胎上搶心悶絕欲  
死冷汗自出或食物或誤食草藥傷動胎氣下血不  
止胎或未損者服此即安胎已死者服此即下腐爛  
者亦能取下此方原係異傳丹溪亦稱其神此即仲  
景桂枝茯苓丸但用淡醋湯嚼下耳

桂枝 茯苓 牡丹皮 桃仁

去皮

赤芍藥

右各等分蜜丸彈子大淡醋湯嚼下一丸不知漸

加至三九

妊娠腰痛

腎主腰胎繫于腰痛甚者或因勞役傷損則胎墮也

薛氏曰若外邪所傷用獨活寄生湯勞傷元氣八珍湯

杜仲砂仁膠艾脾腎不足以前藥加白朮補骨脂氣

血鬱滯用紫蘇飲加桔梗枳殼肝火所動以小柴胡

湯加白朮枳殼山梔肝脾鬱結用歸脾湯加柴胡枳

殼



一妊婦頸項強直腰背作痛此膀胱經風邪所致用拔  
萃羌活湯一劑而愈又用獨活寄生湯及八珍湯以  
祛邪固本而痊

通氣散 腎虛腰痛神效

破故紙炒為末空心每服二錢嚼胡桃肉半個以溫  
酒下

杜仲丸 治妊娘腰背痛

杜仲 炒 川續斷 酒浸

各等分為末煮棗肉為丸梧子大每服七十九酒  
或米飲下

膠艾湯 治腰腹疼痛胎動欲落即前妊娠下血安胎  
飲是也

熟地 艾葉 白芍 川芎 黃芪 阿膠 川歸

甘草 炒

各等分加薑棗水煎服

獨活寄生湯 治足三陰虛風濕所侵腰膝歷節作痛

獨活

桑寄生

續斷

酒炒

杜仲

鹽汁炒

細辛

秦朮

牛膝

酒炒

茯苓

白芍

炒

桂心

川芎

防風

人參

熟地

川歸

粉草

各五分

右水煎服

一婦苦腰痛數年不愈用白朮一味大劑服不三月而  
痊乃胃氣虛閉之症白朮能利腰膈之血故安胎而  
治痛也

拔萃羌活勝濕湯

治頭疼脊痛腰似折項似拔

羌活

獨活

各一錢

藁本

防風

炙甘草

各五分

川芎

蔓荊子

各二分

右水煎服如身重腰沉沉然是濕熱也加黃柏一

錢附子五分蒼朮二錢

妊娠小腹痛

薛氏曰一妊娠小腹痛作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此

亦肝木熾盛所致用龍膽瀉肝湯一劑諸症頓愈乃  
以四君子加柴胡升麻以培脾土而安

龍膽瀉肝湯 治肝經濕熱兩脇腫痛或小腹痛脇痛

小便澀滯等症

龍膽草

酒拌炒黃

澤瀉

各一錢

木通

生地

川歸

車前

子

炒

山梔

炒

黃芩

炒

甘草

各五分

水煎服

阿膠散

嚴氏名膠艾湯

不問妊娠月數深淺或顛仆或因毒藥

胎動不安腰疼腹痛搶心短氣

熟地 艾葉 白芍 川芎 黃芪 阿膠 川歸

甘草

炙各  
一兩

右剉每服五錢入薑棗水煎服 金櫃方無黃芪

妊娠心腹脹滿

薛氏曰若外感風寒內傷飲食用藿香正氣散若食傷脾胃用六君子湯若陽氣壅滯用紫蘇飲

一妊婦飲食停滯心腹脹滿或用人參養胃湯加山查

青皮枳殼其脹益甚其胎上攻惡心不食右關脈浮  
大按之則弦此脾土不足肝木所侮用六君子加升  
麻柴胡而愈後小腹痞悶用補中益氣湯升舉脾氣  
乃瘥

妊娠數墮胎

夫胎乃陽施陰化營衛調和經水完全十月而產若血  
氣虛損不能養胎所以數墮也凡妊娠婦腰痛多致墮  
胎

薛氏曰丹溪云陽施陰化胎孕乃成血氣虛乏不能榮養其胎則墜譬如枝枯則果落藤痿則花墜當治賈氏婦每有妊至三月前後必墜診其脈左右大而無力重則濡知其血虛也補其中氣使血自榮時正初夏教以濃煎白朮湯下黃芩末二錢與數十帖得保而生因而思之墮於內熱而虛者於理為多曰熱曰虛蓋妊至三月上屬相火所以易墮不然何以黃芩熟艾阿膠等為安胎之妙如此也大抵治法須審其



月屬某經育養而藥之

生生子曰胎猶瓜也瓜生於藤藤肥而瓜壯未熟而凋者由藤稿而風搖也胎藏母腹繫于命門命門者督脈之所循也又衝任二脈為血之海妊婦而經不行者血蓄以養胎也足月而生者猶瓜熟而蒂落也苟內無所傷外無所感何墮之有衝任督三脈一宗衝脈由氣衝而行足少陰任脈起於胞門子戶由會陰而行腹督脈繫廷孔由會陰而行背歷長強循腰膂

命門而上巔驗今之墮胎者苟非衝任之不足必由色慾之縱恣淫火一動則搖撼其督脈胞門亦由之而不閉胎斯墮也胎墮必腰痛者腰腧命門皆督脈之所厯胎又繫于命門故也觀牝獸之護胎則可推其所慎矣牝牡交合有節懷胎之後牡獸近身則蹄而遠之是以交而必孕孕而必育者由交合之有節也懷妊而不遠慾即幸不墮生子亦必脆弱多疾痘疹亦多險逆皆淫火煅煉所致觀丹溪曰虛曰熱抑

豈無其所自乎予故揭而告諸保孕者當知其所慎  
重至於藥劑則虛熱二字為之本矣是以八珍阿膠  
杜仲黃芪黃柏黃芩桑寄生香附為安胎之妙者得  
非治其本歟

凡保胎當理脾胃脾胃為倉廩五臟六腑之所稟受胚  
胎由之以滋養也胃屬陽明陽明者衝任之長也

一方 鯉魚二斤者一尾粳米一升用鹽醬和煮食之  
甚善一月食三次為佳

芎藭補中湯 懷妊血氣不能榮養以致半產早能服  
此預先補之不致于墮

乾薑

煨

阿膠

炒

芎藭

五味子

各五分

黃芪

炒

川歸

白朮

炒

杜仲

炒

白芍藥

各一錢

人參

木香

甘草

各

五分

右水煎服

虛寒所宜

千金保孕湯

氣血不足每至三四月而墮當預服之

人參

黃芪

白朮

川歸

甘草

黃芩

杜仲

桑寄生 川續斷 白芍藥 砂仁

加粳米五十粒水煎食遠服 若氣痞悶不舒加

厚朴蘇梗 若腹疼加熟艾葉香附 見血下加  
升麻地榆椿根白皮阿膠

醋附九 治數墮胎者此藥甚妙 亦治崩漏帶下積

聚癥瘕臍腹痛

香附子 擦去毛淨 用好醋煮透焙乾為末仍以醋打糊為

丸梧子大每服三五十丸米飲下

脈經曰婦人懷胎一月之時足厥陰脈養之二月足少陽養三月手心主脈養四月手少陽脈養五月足太陽脈養六月足陽明脈養七月手太陰脈養八月手陽明脈養九月足少陰脈養十月足太陽脈養諸陰陽脈各養三十日手少陰太陽不養者上為乳汁下主月水也值養胎之經者不可針灸犯之必墮胎胎不長

良方曰妊娠而胎不長者因有宿疾或因失調以致臟

腑虧損氣血虛弱而胎不長也當治其疾疾益其氣血則胎自長矣

生生子曰曾見一宦婦每妊至五六月則墮如此者三次胎甚瘦小詢知少時患哮喘因而背駝軀亦矮小因腹中不舒其胎不能長后治其哮喘再孕乃不墮竟足月而產一子此固偶然則良方宿疾之說似不誣矣

薛氏曰一婦胎六月體倦懶食面黃晡熱而胎不長因

勞欲墜此脾氣不足也用八珍湯倍加參朮茯苓三十餘劑脾胃漸健胎安而長矣

生生子曰昔在西吳有張氏婦年二十三孕適三月迎予診之其脈兩尺皆濡左手短弱右關不充據脈濡不當有姙而其夫云向已受胎者二俱彌月而產體皆不完始無舌次無水火門戶產下隨死而無生氣今第三孕矣心憂之以翁治法多奇思幸投劑而保全之也予以脈參之多為神志不足因處一方曰壯



神益志保孕湯即語之曰是方每月可服十帖過八月則不必服矣彼欣然從而服之足月產一女形全而氣壯及再有姪未服藥雖生一女完矣而頭面為白膜遮蔽隱隱僅見耳目口鼻而亦隨死也後又孕適予歸省其婦心憂失措夫諭之曰無恐前保孕方在向以未服乃致乖舛今可亟服也照方服如前至期生一子而無恙舉家以此方為神錄而置之香火堂中尸祝之此亦愚見之偶中者人以旋服旋效而

遂神之也亦其家為富而甚不仁丘里啣之當其產而偵之其產而怪以為作惡之報迨產子而無恙即以鄙為保孕之神至今傳頌不衰也予因記其事并戒夫人之為惡者

壯神益志保孕湯

茯神 當歸 酸棗仁 人參 遠志 山藥 黃

芪 鹿角膠各一錢 白朮二錢 砂仁三分 甘草四分

加圓眼肉五枚棗二枚水煎服

黃芪湯 治妊娠不長更安胎和氣

黃芪

炒

白朮

炒

陳皮

麥冬

白茯苓

前胡

人

參

各五分

川芎

甘草

炒三分

右薑棗水煎服

集驗方 用鯉魚長尺許者如食法整理飲其汁則胎漸大而長矣然亦須每月服數次為妙

墮胎後血下不止

墮胎後復損經脈而下血不止甚則煩悶致死皆以調

補胃氣為主

薛氏曰一妊婦墮胎昏憤不時吐痰自用養血化痰之劑昏憤不省自汗發搐痰涎湧出彼以為中風欲用祛風化痰予曰此屬脾氣虛寒所致遂用十全大補湯加炮薑二十餘劑尋愈

墮胎下血煩滿寒熱狂悶鎊鹿角屑為末每服三錢水調下日三服

墮胎下血腹痛

阿膠

炒一兩

艾葉

錢五

水煎服

補中益氣湯

加鹿角膠一錢臨服入童便半酒杯立

止

人參黃芪湯

治小產氣虛血下不止

人參

黃芪

炒

當歸

白朮

炒

白芍

炒

艾葉

錢各一

阿

膠

錢炒二

水煎服

未足月欲產

妊娠未足月而痛欲產者知母丸佳氣血不足者芎歸補中湯倍加知母或八珍湯內加之血熱所宜

薛氏曰一妊婦八月胎欲墜如產卧久少安日晡益甚此氣血虛弱朝用補中益氣湯加茯苓半夏隨愈更以八珍湯調理而安

芎歸補中湯 治氣血虛而欲產

艾葉

代薑

阿膠

炒

川芎

五味子

炒

川歸

白朮

炒

黃

芪

炒

人參

芍藥

炒各一錢

甘草

炙五分

杜仲

一錢

水煎作二次痛

知母丸

十月未足而痛如產兼治產難及子煩

知母為末蜜丸梧子大米飲下三十九或酒下

又方 月數未足而似欲產腹痛

槐子 蒲黃

等分為末蜜丸梧子大酒吞三十九痛止為度

蒲黃一味以井水調服亦佳

千金方 治月未足而欲產

菖蒲根搗汁一二升灌下

本草云菖蒲治胎動不安下血

過期不產

妊娠月足而過期不產者當補血行滯羅先生以四物湯加香附桃仁枳殼縮砂紫蘇水煎服之數帖即生

妊娠咳嗽

夫肺內主氣外主皮毛腠理不密寒邪乘之則咳嗽秋則肺受之冬則腎受之春則肝受之夏則心受之其



嗽不已則傳于臟腑妊娘病久不已則傷胎也

薛氏曰若秋間風邪傷肺用金沸草散夏火邪尅金用人參平肺散冬寒邪傷肺用人參敗毒散春風邪傷肺用參蘇飲若脾肺氣虛用六君子芎歸桔梗若血虛桑皮杏仁桔梗腎火上炎用六味丸加五味子煎服脾胃氣虛風寒所傷補中益氣湯加桑皮杏仁桔梗

梗

又治一妊婦氣喘痰甚諸藥不效素有帶下始于目下

有浮氣兩月其面亦然此氣虛而有痰飲也用六味  
丸料數劑而愈

一妊婦嗽則小便出此肺氣不足腎氣虧損不能司攝  
用補中益氣湯以培土金六味丸加五味以生腎氣  
而安

一妊婦咳嗽其痰上湧日五六碗許諸藥不應予以為  
此水泛為痰用六味丸料及四君子湯各一劑稍愈  
數帖而安

一妊婦因怒咳嗽吐痰兩脇作痛此肝火傷肺金以小  
柴胡湯加山梔枳殼白朮茯苓治之而愈但欲作嘔  
此肝侮脾也六君子加柴胡升麻而痊

桔梗散 治風寒咳嗽喘急不食

天冬去心 赤茯苓各一錢 桑皮 桔梗炒 紫蘇 貝母

人參各五分 麻黃去節 炙甘草各三分

右加薑水煎服

馬兜鈴散 治咳嗽氣喘

馬兜鈴 苦梗 人參 甘草 貝母 各五分 紫蘇 一錢

橘紅 大腹皮 桑皮 各一錢 五味子 十一粒

右薑水煎服

百合散 咳嗽胸膈煩悶

川百合 紫苑 麥冬 苦梗 桑皮 各五分 甘草 三分

竹茹 二分

加薑水煎服

妊娠傷寒涎多咳嗽

知母 杏仁

天冬

桑皮

各五分

薑水煎服

加味參蘇飲

治項背拘急鼻塞頭眩時發寒熱咳嗽

即參蘇飲加五味子杏仁是也

妊娠吐血衄血

妊娠吐血衄血由七情臟腑所傷氣逆于上致血上溢不止心悶甚者多死或墮胎也宜用局方必勝散

薛氏曰若肝經怒火先用小柴胡山梔生地次用前藥

合四物後用加味逍遙散若肝經風熱防風子芩丸  
心經有熱硃砂安神丸心氣不足茯苓補心湯思慮  
傷心妙香散胃經有火犀角地黄湯膏粱積熱加味  
清胃散肺經有火黃芩清肺飲因氣鬱滯紫蘇飲子  
氣不攝血用補中益氣湯腎經虛火六味地黄丸

紫蘇飲 治妊娠失調胎氣不安上攻作痛或氣逆失

血

方在胎上  
通卷中

一妊婦因怒失血兩脇脹痛小便淋瀝此怒而血蓄于

上隨火出也用小柴胡合四物四帖血止用六君子  
安胎飲調理全安

必勝散 治男子婦人血妄流溢或吐衄血並妙

小薊

連枝用

人參

蒲黃

炒

熟地

川歸

川芎

烏

梅

去核各一錢半

水煎服

黃芩清肺飲

治妊娠肺熱吐血及治肺熱小便不利

黃芩

炒

山梔

炒各一錢

鹽豉

二十粒

水煎服

加味清胃散 治醇酒厚味唇齒作痛或齒齦潰爛并

頭面頸項疼痛及妊娠吐血

川歸

黃連

炒一錢半

生地

丹皮

各一錢

犀角

連翹

一錢

二分升麻

二錢甘草

五分

右水煎服 便秘加大黃

子煩

良方曰妊娠苦煩悶者以四月受少陰君火以養精六



月受少陽相火以養氣若母心驚膽寒多有是症產  
寶云是心肺虛熱或痰積于胸若三月而煩者吐涎  
惡食大凡停痰積飲寒熱相搏吐甚則胎動不安

薛氏曰內熱子煩用竹葉湯氣滯用紫蘇飲痰滯用二  
陳加白朮黃芩枳殼氣鬱用分氣飲加川芎脾胃虛  
弱用六君子加紫蘇山梔

竹葉湯 妊娘心驚膽怯終日煩悶名曰子煩

白茯苓

錢二

防風

黃芩

麥冬

錢各一

竹葉

片十

水煎服

一方有知母

人參散 熱乘心脾煩熱乾渴

人參 麥冬 赤茯苓 地骨皮 黃芩炒 乾葛

甘草

五分

犀角

鎊各一錢

水煎服

竹茹湯 妊娠煩躁或胎不安

淡竹茹一兩水煎服之

知母丸 知母一味炒為末棗肉丸如彈子大每服一

九人參湯下

分氣飲 脾胃虛弱氣血不和胸膈不利或痰氣喘嗽  
飲食少思

陳皮 茯苓 半夏 桔梗 大腹皮 蘇葉 白

朮

炒

枳殼

炒

山梔

炒

各一錢


甘草

炙

五分

右加薑棗水煎服

治子煩口乾不得卧用黃連為末每服一錢米飲調下



赤水元珠卷二十一

欽定四庫全書

子部

赤水元珠卷二十二

詳校官太醫院恩糧<sub>臣</sub>孔毓秀

編修臣倉聖脈覆勘

總校官編修<sub>臣</sub>王燕緒

校對官助教<sub>臣</sub>卜惟吉

謄錄監生<sub>臣</sub>謝蓮鶚

欽定四庫全書

赤水元珠卷二十二

明 孫一奎 撰

妊娠煩燥口乾

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燥故心煩口乾也與子煩大同小異宜用益母丸即前一味知母丸是也

一妊婦煩熱咽疼用知母散加山梔清肺而愈后又內熱咳嗽小便自遺用補中益氣加麥門冬山枝以補肺氣滋腎水而痊

知母散 治煩燥悶亂口乾

知母 麥冬 黃芪炒 子芩炒 赤茯苓 各一錢

甘草

水煎入竹瀝一合再煎一沸服之

人參黃芪散 治身熱煩燥口乾

人參

黃芪炒

葛根

秦艽

赤茯苓

麥冬各一

錢

知母

甘草

各五分

右薑三片竹葉十四片水煎服

妊娠風痙子癇

妊娠體虛受風而傷足太陽經遇風寒相搏則口噤背  
強甚則腰反張名之曰痙須臾自醒良久復作又名  
曰子冒又類子癇

生生子曰風痙乃外邪從足太陽而入有剛柔之分當



從仲景法於傷寒門中求治子癰乃痰涎所致是內  
臟所生治當分別

薛氏曰若心經風熱用鉤藤湯肝脾血虛加味道遙散  
肝脾鬱怒加味歸脾湯氣逆痰滯紫蘇飲肝火風熱  
鉤藤散脾鬱痰滯二陳姜汁竹瀝若兼症相雜看所  
兼重輕分治

一妊婦出汗口噤腰背反張時作時止此怒動肝火也  
用加味道遙散漸愈又用鉤藤散而止更以四君加

鈎藤山梔柴胡而安

一妊婦因怒忽仆地良久而甦吐痰發搐口噤項強用  
羚羊角散漸愈更用鈎藤散始痊又用歸脾湯全安  
等症

羚羊角 獨活 酸棗仁炒 五加皮 防風

川芎 苡仁炒 川歸洗 杏仁去皮尖 茯神各五分

炙甘草 木香各二分

右薑水煎服

鈎藤湯

方見胎動不安卷

雲箕子葛根湯

妊娠臨月因發風瘕忽悶憤不識人

吐逆眩倒併治子癇

葛根

貝母

丹皮

防風

川歸

川芎

茯苓

桂心

澤瀉

甘草

各一兩

獨活

石膏

人參

各三兩

兩

右以水九升煮取三升分作三服

貝母令人易

產未臨月升麻代之此症多由風寒濕乘虛而感  
皆從太陽經治

活人獨活防風湯 治太陽有汗名柔症

桂枝

獨活

防風

各一兩

芍藥

三兩

甘草

半兩

右每服一兩水煎溫服

防風葛根湯

治太陽無汗名曰剛症

葛根

四兩

麻黃

三兩

芍藥

防風

各二兩

桂枝

一兩

每服一兩先煮麻沸去上沫入餘藥同煎溫服

妊娠瘕瘕

瘕者筋脉急而縮也瘕者筋脉緩而伸也一縮一伸手足相引搐搦不已大抵與嬰孩發搐相似此症多屬風風主搖動駱龍吉云心主脉肝主筋心屬火肝屬木木主風風火相熾則為瘕瘕也 治法若因風熱用鉤藤湯加柴胡山梔黃芩白朮以平肝木降心火養血氣若風痰上壅加竹瀝南星半夏若風邪急搐加全蝎僵蠶氣血虧損用八珍湯倍加鉤藤山梔若

抽搐無力戴眼反折汗出如珠者肝氣絕也皆不治  
薛氏治一妊婦四肢不能伸服祛風燥濕之劑遺尿痰  
甚四肢抽搐乃肝火血燥用八珍湯倍加炒黑黃芩  
佐以鉤藤湯而安後因怒前症復作小便下血寒熱  
少寐飲食少思用鉤藤散加山枝柴胡而血止續用  
加味逍遙散寒熱退而得寐用六君子湯加芍藥鉤  
藤飲食進而漸安

鉤藤散 治肝厥頭暈

鉤藤鈎 陳皮 炒 半夏 麥冬 茯苓 茯神

人參 甘菊 防風 各一錢 炙甘草 三分 石膏 煨二錢

薑三片水煎服

妊鬼胎

人由臟腑失調血氣不充營衛虛損則精神衰弱而鬼魅之類得以乘之亦如懷妊之狀故名曰鬼胎也

薛氏曰一婦經閉八月肚腹漸大面色或青或黃用胎症之藥不應薛診視之曰面青脉濡寒熱往來肝經

血病也面黃腹大食少體倦脾經血病也此鬱怒傷  
肝脾之症非胎也不信仍用胎劑無功乃與加味歸  
脾湯逍遙散各二十餘劑諸症稍愈彼欲速效別服  
通經丸一服下血昏潰自汗惡寒手足俱冷嘔逆不  
食用人參炮薑二劑漸愈又用十全大補湯五十餘  
劑而安

治此症大抵要看虛實實者可攻涉虛者必於補中兼  
消而佐以雄黃丸之類行而散之



雄黃丸 治鬼胎瘀血腹痛

雄黃 鬼白去毛 莽草 丹砂 巴霜 獺肝炙黃各半

兩 蜥蜴一枚 蜈蚣一條

右為末蜜丸梧子大每服二丸空心溫酒下日二服或下蛇螫之類

治鬼胎及血氣痛不可忍

斑蝥

去頭翅足用糯米炒

延胡索

炒等分

為末溫酒下五分以去穢物為度空心服

斬邪丹 治鬼胎大如抱甕

吳茱萸 川烏 秦艽 柴胡 殭蠶 羌活 醋炒

巴戟 巴仁 各一

兩

為末蜜丸梧子大每服七丸蜜酒下取下惡物

妊娠不語 此名曰瘕

黃帝曰人有重身九月而瘕此為何也岐伯對曰胞之  
脉絡絕也帝曰何以言之岐伯曰胞絡者繫於腎少  
陰之脉貫腎繫舌本故不能言帝曰治之奈何岐伯

曰無治也當十月復

此至人窮理之言患此者當靜以待之不  
必驚惶而亂投劑十月分娩後當自語也

妊娠傷寒熱病防損胎

良方曰非節之氣傷於妊娠熱毒侵損胞胎若不早治  
多致墮胎漏血則子母之命亦不能全矣

薛氏曰此亦當分六經為主相參而治

妊娠傷寒身痛壯熱

葱白 一升 前胡 葛根

石膏

各二兩半

青黛

一兩半

升麻

二兩

梔子

十二枚

水煎分三服

妊娘傷寒大小便閉結

前胡

二兩半

大黃

石膏

各五兩

山梔

十枚

知母

黃芩

茯苓

生薑

各二兩

水煎分三服

妊娘傷寒發斑忽黑小便如血其胎欲落

山梔

升麻

各四兩

青黛

二兩

生地

四兩

石膏

八兩

葱白一升 黃芩三兩

水煎分三服

又用井中泥塗心下乾則易

妊娠熱病先宜白朮散以安其胎傷寒亦然

白朮

黃芩

炒各二錢

加薑棗水煎服

若四肢厥逆陰症也不可服

妊娠傷寒

生生子曰妊娠傷寒所干甚大治之不早及治不如法

多傷胎損母古人以四物加入引經散邪之劑可選而用之然亦不能盡其變茲錄以補之

阿膠散 治時氣傷寒先服此以安胎却以主藥相間服

阿膠 炒

白朮 炒

桑寄生

人參

茯苓

右為末每服一錢糯米飲調下日三服

前胡湯

治傷寒頭痛壯熱肢節煩痛

石膏

錢一

前胡

甜竹茹

梔子

炒

黃芩

炒

大青 知母 各五分

加葱白水煎服

蘇木湯 傷寒時行洒淅寒振或無噦者

赤芍 橘紅 黃芩 炒 黃連 炒 甘草 蘇木

各五分水煎服汗出即瘥 如胎不安更服阿膠散

黃龍湯 妊娠寒熱頭疼嘿嘿不食脇痛嘔痰及產後  
傷風熱入胞宮寒熱如瘧或經水適來及勞復熱不  
解散者

柴胡二

錢

黃芩

炒

人參

甘草

各一錢

水煎服

柴胡石膏湯

頭疼惡寒身熱拘急口乾

柴胡二

錢

甘草

一錢

石膏

三錢

薑水煎服

若氣虛加人參

枳實散

傷寒四五六日腹脹少食腰疼體重

枳實

炒三錢

陳皮

一錢

麥冬

半錢



薑蔥水煎服

旋覆花湯

傷寒頭目旋疼壯熱心躁

旋覆花

赤芍

甘草

各五分

前胡

石膏

各一錢

麻黃

去根節

白朮

人參

黃芩

各三分

薑水煎

麥門冬湯

傷寒壯熱嘔逆頭疼胎氣不安

人參

石膏

各一錢半

前胡

黃芩

各五分

葛根

麥冬

各一錢

加薑棗竹茹水煎服

梔子大青湯 發斑變黑尿便血

升麻 梔子 大青 杏仁 黃芩 各一錢

加葱白三寸水煎服

白朮湯 傷寒煩熱頭痛胎動或時吐逆不食

白朮 橘紅 麥冬 人參 前胡 川芎 甘草

半夏 赤茯苓

各五分

薑竹茹水煎服

芎蘇散

治外感風寒壯熱頭疼心胸煩悶

紫蘇葉

川芎

白朮

白芍

麥門冬

陳皮

乾葛

各五分

甘草

炙三分

右薑蔥白水煎服

參蘇散

治症同上

妊娠時行病

四季之間反常如春寒夏冷秋熱冬煖乃非其時而有其氣者謂時行不正之氣也感之者少長三五相似

甚至沿門闔境相類妊娠患之重者多致損胎 亦  
當與傷寒熱病參治

秦朮散 治時氣五六日不得汗口渴飲水狂言嘔逆

秦朮

柴胡

各五分

石膏

錢一

犀角

赤茯苓

前胡

甘草

葛根

升麻

黃芩

各四分

加淡竹茹水煎服

葛根飲子 時氣煩熱口乾頭疼

乾葛

麻黃

去根節各半兩

石膏

一兩

豆豉

一合

白米

半升

梔子

十四粒

葱白

二莖

水煎分三服汗出為效

消熱飲子

治時氣六七日大小便不利

芒硝

一兩  
細研

葵子

二兩

水煎分三次以利為効

人參敗毒散

治四時傷風頭痛發熱咳嗽

此方即倉廩湯減陳倉米是也

過時熱病

冬時觸冒嚴寒即病曰傷寒不即病而毒藏於肌骨之間至春發為溫病至夏發為熱病也妊娘患之多致墮胎熱病與暑病相似但熱病脉實暑病脉虛治當審察

治妊娘熱病頭痛嘔吐煩悶

人參

一方無

竹茹

葛根

各一兩

蘆根

二兩

知母

三兩

麥冬

一兩半

每服五錢葱白三寸水煎服

梔子仁飲

治病發斑黑色小便如血氣喘急胎欲墮

梔子

升麻

石膏

生地

各二兩

黃芩

一兩

大青

八錢

每服五錢葱白七寸豉四十九粒水煎服

大黃飲

治熱病六七日大小便秘澀

大黃

微炒

石膏

各一兩

知母

前胡

赤茯苓

各七錢半

梔子

甘草

黃芩

各五錢

生地黃

一兩半

每服七錢水煎服

蘆根湯 治熱病頭痛心煩嘔吐

知母 四兩 竹茹 三兩

每服五錢生蘆根一握同糯米一撮水煎服

梔子五物湯 治妊婦傷寒壯熱頭痛

梔子 前胡 知母 各二兩 黃芩 一兩 石膏 四兩

每服五六錢水煎服

升麻六物湯 治傷寒斑黑溺血

升麻 梔子 各二兩 大青 杏仁 黃芩 各一兩



每服五錢葱白五寸水煎服

又方

伏龍肝為末每服一錢水調下

外用水調塗臍下

又方

蘆根煮汁時服一盞

熱病胎死腹中

良方曰熱病以致胎死腹中不能出者但服黑神散胎自下矣

陳無擇先生曰當視其產母若面赤舌青其子已死面青舌赤母死子生唇青吐味子母俱死若双胎或一死一活用黑神散

薛氏曰竊謂前症宜補助產母使其胎自下黑神散恐大熱不宜輕用果胎已死者用平胃散加朴硝水銀下之最為穩當庶不併傷生者

生生子曰前症姙母既因熱傷其胎矣必其母衝任熱極營衛枯槁其胎乃死猶之藤枯而爪焦也仍以熱

藥下之寧不重傷妊母乎薛公評之當也而良方每  
每謂妊婦致疾多起於寒按其逐月所著養胎之方  
籍熱藥為主是亦一偏也其間豈無挾熱者乎故丹  
溪曰虛曰熱謂涼血則血循經而胎得以滋養血熱  
則沸騰也今此症始既曰熱病胎死腹中矣又復以  
熱藥下之意者恐以死胎不下為急而不暇顧其母  
耶不然必為用寒涼治熱太過而中氣虛寒熱劑為  
不得已用之也否則何陳無擇之高哲寧肯從而主

之

黑神散

又名烏金散

桂心

當歸

芍藥

甘草

炙

乾薑

炮

生地

各一兩

黑豆

炒去皮  
二兩

大附子

炮去皮  
臍半兩

為末每服二錢溫酒下

又方

治胎死腹中

紅花

酒煮汁濃飲之二三碗效

又方

伏龍肝為末溫酒下二錢白湯下亦可

又方

朴硝為末童便和熱酒調下一二錢立下

妊娠瘡疾

妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作妊娠而作多傷於胎當於瘡症門尋治

薛氏曰若木侮土久而不愈用六君子為主佐以安胎

藥乃參三陰三陽經而治之

即瘧症門仲景方劉守真分經治療法也

清脾飲 小柴胡湯 逍遙散 補中益氣湯 選而

用之極為穩當 黃芩白朮陳皮三味煎湯服亦佳

妊娠泄瀉

良方論曰妊娠泄瀉或青或白水穀不化腹痛腸鳴謂之洞瀉水穀不化喜飲嘔逆謂之協熱下利並以五苓散利小便次以黃連阿膠丸或三黃熟艾湯以安

之若瀉黃有沫腸鳴腹痛脉沉緊數用戊己丸和之  
噉腐不食胃脉沉緊用感應丸下之後調和脾胃若  
風冷水穀不化如豆汁用胃氣湯寒冷臍下陰冷理  
中湯治中湯伏暑心煩渴瀉水用四苓散傷濕泄瀉  
小便自利用不換金正氣散胃苓湯此四症之大略  
也仍參泄瀉門互治

生生子曰前症予見之屢矣人皆以為小疾忽而不治  
及生子率多虛弱予姪婦每懷姙必瀉治亦不愈分

娩後又自止也其生子也脆而白無血色得非胎虛之故歟予因思之妊娠則月水蓄之以養胎血亦濕類也以停濕故瀉經曰濕勝則濡泄是也治宜健脾燥濕后孕以白朮半夏等為丸與之而安

薛氏曰按前症若米食所傷六君加穀藥麵食所傷六君加麥藥肉食所傷六君加山查若兼寒熱作嘔乃肝木侮脾土用六君加柴胡生薑兼嘔吐腹痛手足逆冷乃寒水侮土六君加薑桂不應用錢氏益黃



散若元氣下陷發熱作渴肢體倦怠用補中益氣湯  
若泄瀉色黃乃脾土之真色用六君加木香肉果若  
作嘔不食腹痛惡寒乃中焦虛寒用六君加木香薑  
桂若瀉在五更侵晨飲食少思乃脾腎虛弱五更服  
四神丸日間服白朮散如不應或愈而復發或飲食  
少思急用八味丸補右腎以培脾土為善

厚朴丸 治洞泄寒中

乾薑 炮  
厚朴 製等分

為末糊九梧子大米飲下五十丸

草果散 治虛寒泄瀉腹痛無度

厚朴

薑製二兩

肉果

麵煨十枚

草豆蔻

煨十枚

每服三錢水煎服

妊娠下痢黃水

妊娠痢疾宜搜痢疾門參治而痢黃水乃脾土虧損真氣下陷也當升補中氣看所兼何症而治之在臨病制宜不必拘用阿膠艾葉之類也

產寶方 治妊娠痢黃水

厚朴

薑汁炒

黃連

各二兩

肉果

五枚

右水煎徐服以效為度

又方 治熱痢

黃連

一升

黃栢

一升

梔子

二十枚

每服五錢水煎如嘔者加橘紅生薑

又方 妊娠下痢痛

糯米

一合

當歸

炒

黃芪

各一兩

水煎分四服

臨產下痢用梔子炒為末每服二錢白湯調甚效

妊娠大小便不通

大小便不通由臟腑之熱所致若大腸熱則大便不通  
小腸熱則小便不通大小腸俱熱更推其因而藥之  
當歸散 妊娠因怒肚腹脹痛四肢浮腫氣急作喘大  
便難小便澀產門腫

當歸

五分

赤茯苓

枳殼

麩炒

白芍

川芎

各一錢

白薑

炮木香 甘草各三分 薑一片

水煎 若氣弱者枳殼減半大便秘加蜜同煎服

妊娠大小便不通腹脇痞悶不思飲食

大黃炒 木通

枳榔各一兩

枳殼

麩炒三錢

訶子

四枚去核半生

半熟用 大腹子 三枚

共為末童便一盞葱白七莖煎六分調服二錢

治妊娠小便不利氣急服猪苓散不瘥用甘遂為末蜜和服豆許微利之未利再服利後仍服猪苓散

猪苓散 治妊娠小便澁痛及胎水

猪苓

去皮

為末白湯調下一錢加至二錢日三服夜

二服

又方

車前子

一兩

大黃 炒半兩

共為末每服三錢蜜湯調下

妊娠小便不通名曰轉脬

妊娠小便不通為小腸有熱傳於脬而不通耳若無心

肺氣滯則致喘急陳無擇云妊娠胎滿逼胞多致小便不利若心腎氣虛清濁相干而為諸淋若胞系了戾小便不通名曰轉脬若胎滿尿出名曰遺尿

薛氏曰按丹溪云轉脬小便閉多因胎婦虛弱憂悶性躁煇灸厚味古方用滑利踈導藥鮮效若脬為胎所壓而不通但當升舉其胎俾胞系踈鬆而小便自行若臍腹作脹而小便淋閉此脾胃氣虛胎壓尿胞四物二陳參朮空心服後探吐數次自安竊謂前症亦

有脾肺氣虛不能下輸膀胱者亦有氣執鬱結膀胱津液不利者亦有金為火燠脾土濕熱甚而不利者更當詳審施治

一婦患此小腹腫脹幾至於殆用八味丸一服小便淋瀝再以八味丸料加車前子一劑即利肚腹頓宛而安

八味丸 治妊婦飲食如故煩熱不得卧反側倚息因脬系了戾不得溺名轉脬但利小便則愈內有茯苓



故也緩則不救

其方即六味地黄丸加附子桂心

古今錄驗治妊娠小便難飲食如故

當歸

貝母

去心炒

苦參

各三兩

滑石

半兩

為末蜜丸小豈大每三十九米飲下

治妊娠小便不通臍下妨悶心神煩亂

葵子

研

榆白皮

各一兩

葱白七莖水煎分二服

古今錄驗妊娠不得小便者

杏仁

去皮尖

炒黃搗九豆大燈心湯吞下七丸

又用滑石末水和塗臍下

又方

車前草汁調滑石末塗臍周圍四寸熱易之

又方

杏仁 滑石末

等分

飯九豆大每白湯下廿丸

又方

紫苑為末井花水調下二錢

葵子散 妊娠小便不利身重惡寒眩暈水腫

葵子

赤茯苓

各五兩

為末每服二錢米飲下

生生子曰予嘗以補中益氣湯加桔梗治數婦皆效但用滲利藥而不得通者必須升提氣升則水自降氣虛者非大補則提亦無功

子淋

妊娠小便淋者乃腎與膀胱虛熱不能制水然妊婦胞繫於腎腎間虛熱而成斯症甚者心煩悶亂名曰子淋也

薛氏曰前症若頸項筋攣語謇疾甚用羚羊角散若小便澀少淋瀝用安榮散若肝經濕熱用龍胆瀉肝湯若肝經虛熱用加味逍遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母五味麥冬玄參若肺

氣虛而短少用補中益氣加山藥麥冬若陰挺痿痺而頻數用六味丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用六味丸

地膚大黃湯 治子淋

大黃炒地膚草

各三兩

知母

黃芩

炒

猪苓

通草

赤芍藥

枳實

炒

升麻

甘草

各二兩

每服五錢水煎服

安榮散 治子淋甚妙

麥冬 通草 滑石 川歸 燈心 甘草 人參

細辛 各五分

水煎服

治小便淋痛心煩悶亂

瞿麥穗 赤茯苓 桑白皮 木通 葵子 各一錢

黃芩 炒 車前子 炒 芍藥 枳殼 各五分

右水煎服

治子淋小便澀痛

冬葵子 滑石 木通 各等分

每服六錢葱白七寸水煎服

猪苓散 方見大小便不通卷

妊娠遺尿

良方曰妊娠尿出不知用白薇芍藥為末酒調下或白  
礬牡蠣為末酒調下二錢或雞毛灰末酒服一匕或  
炙桑螵蛸益智仁為末米飲下

薛氏曰若脬中有熱宜加味道遙散若脾肺氣虛宜補中益氣加益智若肝腎陰虛宜六味丸

一妊婦遺尿內熱肝脉洪數按之微弱或兩太陽作痛脇肋作脹以為肝火血虛用加味道遙散六味地黃丸尋愈后又寒熱或發熱或恚怒前症仍作用八珍散逍遙散兼服以清肝火養肝血而痊

### 妊娠尿血

妊娠尿血良方謂內熱乘於血分以致血熱流滲於脬



名曰血淋用葵子一升研水五升煮二升分三服或生艾葉一斤酒五升煮二升分三服或生地一斤酒四升煮二升分三服亦治墮胎後下血

薛氏曰因怒動火者宜小柴胡加山梔因勞動火者補中益氣湯因厚味積熱宜加味清胃散若因肝經血熱宜加味逍遙散因脾氣下陷補中益氣湯若因脾虛血熱宜加味逍遙散

一姪婦因怒尿血內熱作渴寒熱往來胸乳間作脹飲

食少思肝脉弦弱此肝經血虛而熱也用加味道遙散六味丸兼服漸愈又用八珍湯加柴胡丹皮山梔而痊

續斷湯 治妊娠下血及尿血

當歸 生地 各一兩 續斷 半兩 赤芍 半兩

為末每服二錢空心葱白湯調下

治妊娠尿血

阿膠 炒熟地 各四兩

同搗為丸每服八十九空心米飲下

又方

四苓散 加炒阿膠車前子茅草根水煎服

又方

白茅根 濃煎湯吞酒蒸黃連丸

加味清胃散 方見前

妊娠胎水腫滿

產乳集云妊娠三月足腫至腿出水飲食不甘似水腫

謂之子氣至分娩方消者此脾胃氣虛或衝經有血  
風亦有脾虛水氣流溢或因瀉痢臟腑虛寒或因瘧  
疾飲水脾虛濕漬或因水漬於胞不能分利皆致腿  
足腫肚腹腫也

薛氏曰若胸滿腹脹小便不通遍身浮腫用鯉魚湯脾  
胃虛弱佐以四君子若面目虛浮肢體如水氣用全  
生白朮散如未應用六君子湯脾虛濕熱下部作腫  
補中益氣湯加茯苓若飲食失宜嘔吐泄瀉六君子

湯腿足發腫喘悶不安或指縫出水天仙藤散脾胃  
虛弱兼四君子湯如未應補中益氣湯若脾肺氣滯  
加味歸脾湯佐以加味逍遙散

一妊婦每至五月肢體倦怠飲食無味先兩足腫漸至  
遍身後及頭面此脾肺氣虛朝用補中益氣夕用六  
君子加蘇梗而愈 凡治妊婦毋泥月數但見其經  
症即用本藥為善

天仙藤散 婦人有水氣而成胎以致兩腿足浮腫

天仙藤

畧洗炒

香附子炒陳皮

烏藥

軟白辣者佳

甘草

各五分

右每服五錢生薑木瓜蘇葉各三片水煎日三服

澤瀉散

妊娠遍身浮腫上氣喘急大便不通小便赤

澁

澤瀉

桑皮

炒

木通

枳殼

炒

赤茯苓

檳榔

各五分

右薑水煎服

防已散

脾虛遍身浮腫腹脹喘促小便不利

防已

三錢

桑皮

炒

紫蘇莖葉

赤茯苓

各五分

木香

二分

右薑水煎服

千金鯉魚湯 妊娘腹大胎間有水氣

白朮

五兩

茯苓

四兩

當歸

芍藥

各三兩

右㕮咀先以小鯉魚一尾如食法煮取汁二盞入藥五錢薑七片橘皮少許煎七分空心服

腎著湯 治妊娘腰脚腫

茯苓

白朮

各八分

乾薑

炮

甘草

各一錢

杏仁

五分

右水煎服

五皮散 治胎水腫滿

大腹皮

桑白皮

炒

生薑皮

茯苓皮

橘皮

各一錢

木香 二分

右水煎服

全生白朮散

妊娠面目浮腫四肢腫如水氣名曰胎

氣又名胎腫

白朮

一兩

生薑皮

大腹皮

陳皮

白茯苓

各五錢為末每服二錢米飲下



治妊娠脚浮腫因脾衰血化成水以生料平胃散薑棗  
水煎服或為末紫蘇葉湯調下二錢日二服以腫退  
為度

腹內鐘鳴

良方曰孕婦腹內鳴用鼠穴中土為末入麝香酒調服  
二錢立愈或黃連煎濃汁常飲之

薛氏曰兒在腹中哭產寶方亦用空房中鼠穴土或黃  
連煎濃汁飲之即止又云臍帶上疙瘩兒含口中因

產婦登高舉臂脫出兒口以此作聲令妊婦曲腰就地如拾物狀仍復原入兒口即止然黃連性寒麝香開竅當斟酌用之

龔彥德孕癰方

治孕癰用烏藥五錢水一鍾煎七分入牛皮膠一兩煎化溫服或薏苡仁煮汁飲之

薛氏曰按孕癰即是腹內患癰如前法治之倘不應宜用牡丹皮散或薏苡仁湯

薏苡仁湯 又名瓜子仁湯

治腸癰腹中疔痛煩毒不安或脹滿不食小便澀婦人產後虛熱多有此病縱非癰但疑似間便可服

桃仁 二錢

一方用冬瓜子仁無冬瓜子以栝蒌代

之姚氏去桃仁用杏仁崔氏加芒硝

薏苡仁

栝蒌仁 各三錢

牡丹皮 二錢

右作一劑水煎服

牡丹皮散

治腸癰冷症腹濡而痛時時利膿

丹皮 人參 天麻 白朮 黃芪炒 白芷 苡仁

桃仁

去皮尖

當歸

洗炒

川芎

各一錢

炙甘草

官桂

各五分

木香 三分

右水煎服

臟燥悲傷

許學士云一婦無故數次悲泣是為臟燥用大棗湯而愈又程虎卿內姪娘五月慘感悲傷亦投大棗湯而痊

薛氏曰或因寒水攻心或肺有風邪者治當審察

一婦無故自悲用大棗湯二劑而痊後又復患用前湯佐以四君子加山梔而安

一妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安

大棗湯

甘草 三兩 小麥 三兩 大棗 十枚

淡竹茹湯 妊娘心虛驚悸臟燥悲傷或作虛煩

麥冬

小麥

半夏

湯炮各一錢半

人參

白朮

各一錢

甘草

五分

加薑棗竹茹水煎服

又方

治臟燥悲哭

紅棗燒存性為末米飲調下二錢

妊娠十月宜服滑胎湯藥

滑胎枳殼散

入月服之令胎瘦易產昔湖陽公主每

產累日不下南山道人進此方

枳殼 麩炒二兩

炙甘草 一兩

右為末每服二錢空心沸湯調下日三服

凡孕六七月宜服之溫隱居加當歸木香等分

又方 治同上 兼治諸疾下氣寬膈

枳殼 麩炒五兩

甘草 一兩半

香附子 炒三兩

右為末每服二錢白湯調下

又方 易產滑胎

車前子為末或酒或米飲調下一錢

神寢丸 臨月服之神效

通明乳香

半兩另末

枳殼

麩炒一兩為末

右蜜丸梧子大每空心酒服三十九

榆白皮散 滑胎易生

榆白皮

甘草 各二兩

葵子 一兩

右為末每以五錢水煎服

保氣散 寬氣進食瘦胎易產或居處失宜頓仆胎動

若胎痛胎漏兼服佛手散



香附

木香

各四兩

山藥

二兩

砂仁

粉草

各一兩

益智

蘇葉

各半兩

為末每服二錢白湯調下

薛氏云神寢九枳殼

散併此方八月宜常服

保產無憂散 妊娠身居安逸口厭甘肥憂樂不常食

物不節致胞胎厚根蒂堅牢八月服之易生

當歸

川芎

白芍

枳

炒乳香

各三錢

木香

甘草

血餘

即髮灰以獾猪心血和之各一錢半

右為末每服三錢水煎日二服神效

妊娠臨月以猪肚一具煮爛徐徐食盡令易產

### 一產論

一曰正產 懷胎十月滿足忽腰腹作陣疼痛相次胎氣頓陷至於臍腹痛極乃至腰間重痛谷道挺併繼之漿破血出兒乃遂生此名正產

二曰傷產 懷胎未產一月已前忽然臍腹疼痛有似欲產仍却無事是名試月非正產也又名曰弄痛凡

產母未有正產之候切不可令人抱腰亦不可令產母妄亂用力若兒身未順纔方轉動便教產母空亂用力使子錯路忽橫忽倒不能正生皆由產母用力於未當用力之所致也直待兒身順適逼臨產戶始可用力一送令兒趲力生下

綱目曰右傷產一法最為切要忽輕忽也凡十月未足臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高

未陷下者非正產之候穀道未挺併者非正產之候  
水漿未破血未出者非正產之候漿血雖出而腹不  
痛非正產之候凡未有正產之候且令扶行耐忍如  
不能行或凭物坐之或安臨之或且服安胎藥一二  
帖即安得安即止慎勿妄服催生藥又勿愴惶致令  
產母憂恐而挫其志務要產母寬心存養調停令老  
誠練達穩母先說諭之如覺心中煩悶可取白蜜一  
匙新汲水調下切勿妄亂用力先困乏其母直待子

逼門戶腰重痛極眼中如火穀道挺迸方是正產候也此時始可用力并服催生藥也予男婦于未產一月已前腰腹俱痛全似將產其痛至甚但遇已時稍止如此十餘日計無所出因閱此條遂與安胎藥加參朮數服間與肉味養之由是平復不痛又二十餘日始產一男設若此際亂動亂用力并服催生等藥則立見其危矣

三曰催產 若婦欲產漿破血下已見是為正產之候

但却未生即可服催生藥催之忽有經及數日產母  
困苦亦可服藥以助產母之正氣令兒速生也

四曰凍產 凡冬月天冷產母經血得冷則凝以致兒  
子不能生下此害最深但冬月產者下身不可脫去  
綿衣尤不可坐卧寒處當滿房著火常有煖氣令產  
母背身向火令臍下腿膝間常煖血得熱則流動使  
兒易生此名凍產

五曰熱產 凡盛夏之月產婦要溫涼得所不可恣意

取涼傷損胎氣亦不令房中人多恐熱逼襲產母使產母血沸而有發熱頭痛面赤昏昏如醉乃至不知人事此名熱產

六曰橫產 凡兒先或露手或先露臂此乃產母未當用力而用之過也兒身未順用力一逼遂至身橫不能生下當令產母安然仰卧後令看生之人先推其手令入直上漸漸逼身以中指摩其肩推上而正之或以指攀其耳而正之須是產母仰卧然後推兒徐

徐正之候其身正煎催生藥一盞飲之方可用力令送兒下此名橫產

七曰倒產 凡產母胎氣不足關鍵不牢用力太早致令兒子不能迴轉便直下先露其足當令產母仰卧令看生之人推其足入不可令產母用分毫力亦不得驚恐使兒自順去

八曰偏產 兒身未正產母用力一逼致令兒頭偏柱左腿或偏柱右腿故頭雖露偏柱一畔不能生下當



令產母仰卧次令看生之人輕輕推兒近上以手正其頭令兒頭頂端正然後令產母用力一送即便生下若是小兒頭腦後骨偏柱穀道只露其額當令看生之人以綿衣灸溫裹手於穀道外方輕輕推兒頭令正便令產母用力送兒生也此名偏產

九曰礙產 兒身已順而露正頂不能生下蓋因兒身迴轉肚帶攀其肩以此露正頂而不能生下當令產母仰卧令看生之人輕輕推兒近上徐徐引手以中

指按兒肩下撥其肚帶仍須候兒身正順方令產母用力一送使兒生下此名礙產

右橫產倒產偏產礙產四法若看生之人非精良妙手不可依用此法恐恣其愚以誤人命也按倒產者今時往往隨其倒足生下並無後患子母雙全不必依推足復上之法亦可又礙產者往往有肚帶纏在兒頂上而兒頭自出在產門外看生之人以手撥其肚帶從兒頭頂過而下之者又有肚

帶纏在頂上一匝而兒與胞衣自然同下者皆無妨不必以此礙產法復入產門內撥下也

十曰坐產 臨產時高處繫一手巾令產母以手攀之輕輕屈足坐身令兒生下非坐在物上也此名坐產十一曰盤腸產 趙都運恭人每產則大腸先出然後產子既產之後其腸不收甚以為苦名曰盤腸產醫不能料偶在建昌得一坐婆施一法而收之其法以醋半盞新汲水七分和勻喫產母面每喫一縮三喫

收盡此良法也

丹溪治產後腸不收香油五斤煎熟盆盛俟溫令產母坐油盆中約一頓食時以皂角末吹入鼻中嚏作立上

又方 蓖麻子十四粒去殼研如膏貼產母頭頂心上其腸上即揩去

又方 腸出盛以潔淨漆器濃煎黃芪湯浸之即收  
催生

催生柞木飲子 難產或胎爛腹中腹悶神效

生柞木

一尺

甘草

大者五寸

右水三鍾封罐口煎一鍾半候胎順產門徐徐溫服即時分娩更無諸苦

催生如神散 治橫生逆產其功甚大

百草霜

白芷

不見火等分

右為末每服三錢至胎順產門以童便米醋和為膏加沸湯調下或童便酒煎進二服然血得黑即

止此藥大能固血而免血乾甚妙

如聖散 黃蜀葵花焙為末熟酒調下二錢 若漏血  
胎乾胞澁難產併進三服即產如無花用子半合末  
之溫酒服尤妙 若打撲胎死紅花酒調下

順生丹 治同上

兔腦髓

去皮膜  
研膏

明乳香

一兩另  
末

母丁香

二兩麝香一  
錢

右以兔腦子九雞頭子大陰乾每服一九溫水下  
又方 透明乳香一塊如皂子大為末腰痛時用冷水

醋少許調服扶立令兩手握大石燕二枚口念醫靈

藥聖三遍行數步用坐產法便生更無痛楚神效

薛氏

曰其法士人視之似迂然用之者稱驗甚

### 治逆產

蛇退

一條順下完全者

蠶退紙一張

右共入新瓦罐內鹽泥固濟煅存性為末煎榆白皮湯下一錢三服覺痛便生

又方

伏龍肝

研末

每服一錢酒調下兒戴土而下

又方

魚膠

許一尺

新瓦上煨灰陳醋調服立下

胞漿先乾胎澁不下急服大料四物湯滋其血氣并濃煎葱湯薰洗產戶更用油燭塗產戶內却服前藥

神妙乳砂丹

明乳香為末以猪心血丸梧桐子大硃

砂為衣陰乾每服二九嚙碎冷酒下良久未生再服或以蓮葉蒂七個水煎化服二九尤妙良久未生再服

交骨不開產門不開



交骨不開產門不開皆由元氣素弱胎前失於調攝以致血氣不能運達而然交骨不開陰氣虛也用加味芎歸湯補中益氣湯產門不開氣血俱虛也用十全大補湯

一婦交骨不開兩日未生服加味芎歸湯一劑即時而產彼後以此方傳與人服應手而效

一婦生平分娩最易至四十歲妊娠下血甚多產門不開與前湯一劑又以無憂散斤許煎熟時時飲之以

助其血而生

一產婦玉門不開發熱惡寒十全大補加五味子數劑而寒熱退又以補中益氣加五味子數劑而玉門歛若初產腫脹或焮痛而不閉者用加味逍遙散若腫既消而不閉者用補中益氣湯切忌寒涼之劑

一婦脾胃素弱無有肝火產後玉戶腫痛寒熱作渴嘔吐不食數大黃等藥服驅利之劑腫及於臀虛症蜂起此真氣虛也先用六君子以固脾胃乃以補中益

氣湯升舉而消

一產婦失治腫潰不已形體消瘦飲食少思朝寒暮熱  
自汗盜汗半年矣予用補中益氣加茯苓半夏以健  
脾胃膿水漸少飲食漸進用歸脾湯以解脾鬱共五  
十餘劑元氣復而瘡亦愈矣

一產婦玉門不閉小便淋瀝腹中一物攻動脇下或脹  
或痛用加味道遙散加車前子而安

一產婦子宮腫大二日方收損落一片殊類猪肝面黃

體倦飲食無味內熱晡熱自汗盜汗用十全大補湯  
二十餘劑諸症悉愈仍復生育

加味芎歸湯 治交骨不開不能生產

川芎

川歸

各一兩

龜板

一個炙

婦人頭髮

燒存性一握

右為散每服一兩水煎服約人行五里即生縱死  
胎亦下

### 產難方論

郭稽中曰產難者因兒轉身將兒枕血塊破碎與胞中

敗血壅滯兒身不能便利是以難產急以勝金散消  
敗其血使兒易生陳無擇云多因兒未轉順坐草太  
早或努力太過以致胞衣破而血水乾產路澁而難  
下宜先服催生如神散以固其血設或逆生橫產當  
按法施治

勝金散 催生如神

麝香 一錢  
豆豉 一兩

為末秤鎚燒赤淬酒下

下死胎方

一穩婆之女勤苦負重妊娠腹中陰冷重墜口中甚穢  
予意其胎已死令視其舌青黑與朴硝一兩許服之  
化下穢水而安

一婦胎死腹中服朴硝下穢水肢體倦怠氣息奄奄用  
四君子為主佐以四物薑桂調補而安

又方以利斧燒紅置酒中待溫飲之其胎便下

又方錫粉水銀各一錢棗肉為丸豆許大水吞立下

又方

平胃散

五錢

酒水各一盞煎至一盞投朴硝五錢

再煎三五沸溫服其胎即化水而去

寶慶方云凡欲斷臍帶先以繫物墜下後可斷之否則胞衣上即冲心而死

產難生死脉訣

欲產之婦脉離經沉細而滑也同名夜半覺痛應分誕來日下午定知生身重體熱寒又頻舌根之色黑復青反舌上冷定知死腹中須遣子歸冥

面赤舌青細尋看母活子死定應難唇口俱青沫又出  
子母俱死總高判面青舌赤沫出頻母死子活是知  
真不信若能看應驗尋之賢哲不虛陳

新產之脉緩活吉實大弦急死來侵若得沉重小者吉  
忽若堅牢命不停

寸口澁疾不調死沉細附骨不絕生審看此候分明記  
長須念此向心經

胞衣不出



郭稽中曰胎衣不下者因氣疲憊不能努出或血入衣中脹大而不能下以致心胸脹痛喘急速服奪命丹血散脹消其衣自下牛膝散亦效

一婦胎衣不出胸腹脹痛手不敢近用滾酒下失笑散一帖惡露胞衣並下

一婦胞衣不出腹痛手按之稍緩此氣虛不能送出也用無憂散而下前症常詢諸穩婆云宜服益母丸或就以產婦頭髮入口作嘔其衣自出不出者必死

然前法甚效

# 奪命丹

大附子

炮半兩

牡丹皮

一兩

乾漆

炒煙盡一錢

大黃

一兩

為末醋煎大黃成膏九梧子大溫酒吞七丸

花蕊石散

治產后敗血不盡血迷血暈胎衣不下至

死心頭煖者急用一服即化水而出其効如神

花蕊石

一斤

上色硫黃

四兩

右和勻以紙泥封固瓦礫內炭火煅赤次日取出

細研每服一錢童便熱酒下

牛膝散 治胎衣不出腹中脹痛急服此藥腐化而下

緩則不救

川芎 朴硝 牛膝 蒲黃 各三兩 川歸 一兩半 桂心 五錢

右每服五錢薑三片生地 一錢 水煎服

又方 紅花一兩酒煮濃汁服

又方 鹿角鎊三錢為末葱湯調服

又方 取產母鞋底烘熱熨小腹上下二七次

產後血暈

良方曰產後血暈乃血入肝經甚至眼花昏悶用黑神散主之下血過多用清魂散補之或以醋湯細飲或預燒秤錘以醋沃之或醱醋塗口鼻或燒漆器薰之使產母鼻吸其氣庶無此患

薛氏曰若惡露上行用失笑散血下過多芎歸湯若過勞所傷補中益氣湯血虛極用清魂散大凡產後口眼喎斜等症當大補氣血為主而兼以治痰若脾胃

虛弱用六君子湯苟於七月之前服安胎飲至八九月間加大腹皮黃楊頭元氣虛弱八珍湯臨產用無憂散則無前患

一婦八月胎下墜或動面黃體倦飲食少思此脾氣虛弱用補中益氣湯倍白朮加蘇梗三十餘劑而安產後眩暈胸滿咳嗽用四物加茯苓半夏桔梗而愈

一婦因飲酒惡露甚多患血暈口出酒氣此血得酒熱而妄行虛而作暈也以佛手散加煨甘葛二錢一劑

而痊酒性慄悍入月及產後不宜飲恐致前症

奪命丹 治血暈腹痛

沒藥 血竭

為末等分每服二錢熱童便沖酒下

清魂散 產後氣血暴損虛火妄動血隨火上升以致心  
神昏亂口噤眼花甚至悶絕而甦

澤蘭葉

人參

錢各一

荊芥

三錢

川芎

一錢

右各另為末每服一二錢熱湯和酒調灌之

一方

五靈脂

半生半炒

為末每服二錢溫酒灌入即甦

一方

荊芥為末童便調服

一方

神麴末每服二錢熱水調服

一方

韭菜切入瓶內注熱醋以瓶口對鼻薰之

一方

半夏為末丸豆大入鼻中即醒

亦治五絕

佛手散

治產後去血眩暈欲絕又治血崩不止又能

治胎痛安生胎而落死胎神效

川芎

酒洗

當歸

酒浸各五錢

酒水各一鍾煎至一鍾服

產後顛狂

產後顛狂乃敗血上冲用大聖澤蘭散加砂仁末三分煎酸棗仁湯調下或硃砂為末二錢乳汁調和入紫項活地龍一條滾二三沸去之入酒再用重湯煮溫分三服

薛氏曰乃血虛神不守舍非補養元氣不可

一產婦患前症或用大聖澤蘭湯而愈後又怔忡妄言



其疾甚多用茯苓散補其心虛頓愈又用八珍湯加遠志茯苓養其氣血而瘥

一產婦亦患此用化痰安神等藥病益甚神思消爍余以為心脾血氣不足用大劑參朮芎歸茯苓酸棗仁四斤餘而安乃以歸脾湯五十餘劑而愈

茯苓散 治產後心虛忪悸言語錯亂健忘少睡或自汗盜汗

人參 炙甘草 芍藥 炒當歸 生薑

各八分

遠志

茯苓

各一錢

桂心

六分

麥冬

五分

大棗

二枚

# 水煎溫服

抱膽丸

治產後遇驚發狂或遇經行發狂

水銀

二兩

黑鉛

一兩五錢

硃砂

乳香

各一兩

右將黑鉛入銚內火熔化俟稍冷下水銀攪成砂

子再入乳香硃砂乘熱用柳木槌研勻丸雞頭子

大每服一九薄荷湯下得睡勿驚覺來即安妙

香散亦善

此症屬火者多不可驟視為瘀血及虛治也童便極好或冲入涼血藥中用之屢屢見效

產後狂言譫語

產後狂言譫語乃心血虛也用硃砂末酒調下龍虎丹參九琥珀地黃丸亦可如驚悸歌哭顛狂等症當參治之

一產婦形體甚倦時發譫語用栢子仁散稍愈又用加味歸脾湯而愈又因怒仍狂言脇痛小便下血用加

味逍遙散以清肝火養肝血頓瘥又佐以加味歸脾湯而安

治敗血上衝發熱狂走脉虛大者

乾荷葉

生地

丹皮

各等分

濃煎湯調生蒲黃二錢服之即止

妙香散

治產後語言錯亂用生地當歸煎湯調服立

效

炙甘草

人參

桔梗

各五錢

茯苓

茯神

山藥

薑汁

炒

黃芪

遠志

各一兩

辰砂

三錢

麝香

二錢

木香

二錢半

右為末每服二錢溫酒調服

又能治心氣不足精神恍惚虛煩少睡盜汗夢與鬼交等症

產後不語

產後不語因心氣虛而不能通津於舌則舌強不能言語者宜服七珍散餘當推其所因而治之可也

七珍散

人參 石菖蒲 生地 川芎 各一錢 防風

辰砂

另研各五錢

為末每錢薄荷湯調服

胡氏孤鳳散 治產後閉目不語用之即效

生白礬為末每服一錢熱酒調下

產後不語

人參 石蓮肉 石菖蒲 等分

每以五錢水煎服

保產神方

此方傳自異人屢有奇驗弗以庸方視之

凡婦有孕至二三月外每月服一劑臨產之月多服數劑當安則安當產則產甚至或橫生或倒生或數日不下及產後驚風陰脫無乳諸症服之無不神驗

當歸

一錢五分

白芍

一錢二分冬月止用一錢

真川芎

一錢四分薑汁炒

黃芪

真蘄艾

各七分

兔絲子

一錢四分

枳殼

麩炒六分

羌活

甘草

各五分

真川貝母


一錢

荊芥穗

八分

右十二味照數撮定不可多少方驗外薑三片水

二碗煎七分溫服





赤水元珠卷二十三